

Efnahags- og viðskiptaráðuneyti

Minnisblað

Viðtakandi: **Efnahags- og viðskiptanefnd**
Sendandi: **Efnahags- og viðskiptaráðuneytið**
Dagsetning: **08.06.2012**
Málsnúmer: **EVR11030098**
Bréfalykill: **3.1**

Alþingi
Erindi nr. P 140/2683
komudagur 8.6.2012

Efni: Frumvarp til laga um neytendalán: Eftirlits- og ákvarðanavald Neytendastofu

Að viðhöfðu samráði við Neytendastofu og með tilliti til athugasemda sem bárust frá umsagnaraðilum leggur ráðuneytið til eftirfarandi breytingar á ákvæðum frumvarpsins:

1. Fyrirsögn IX. Kafla verður: **Eftirlit og viðurlög.**
2. 27. gr. frumvarpsins orðist svo (breytingar feitleitraðar):

Neytendastofa annast eftirlit með ákvæðum laga þessara. Ákvæði laga um eftirlit með viðskiptaháttum og markaðssetningu gilda um málsmeðferð Neytendastofu.

Ákvæði VIII. kafla laga um eftirlit með viðskiptaháttum og markaðssetningu gilda um heimildir Neytendastofu til upplýsingaöflunar, haldlagningu gagna, þagnaskyldu og afhendingu á upplýsingum til stjórnvalda annarra ríkja.

Neytendastofa getur gripið til aðgerða gegn aðilum sem brjóta í bága við ákvæði II. – VII. kafla, eftir því sem við getur átt. Aðgerðir Neytendastofu geta falið í sér bann, fyrirmæli eða heimild með ákveðnu skilyrði.

Ákvörðunum sem Neytendastofa tekur á grundvelli laga þessara verður skotið til áfrýjunarnefndar neytendamála sem starfar á grundvelli 4. gr. laga nr. 62/2005, um Neytendastofu og talsmann neytenda.

Ákvörðun Neytendastofu verður ekki þorin undir dómstóla fyrir en úrskurður áfrýjunarnefndar neytendamála liggur fyrir.

Nú vill aðili ekki una úrskurði áfrýjunarnefndar neytendamála og getur hann þá höfðað mál til ógildingar fyrir dómstólum.

Mál skal höfðað innan sex mánaða frá því að aðili fékk vimeskju um úrskurð áfrýjunarnefndar.

Málshöfðun frestar ekki gildistöku úrskurðar nefndarinnar né heimild til aðfarar.

3. Á eftir 27. gr. koma þrjár nýjar greinar 27. gr. a.-c. svohljóðandi:

27. gr.a.
Stjórnvaldssektir.

Neytendastofa getur lagt stjórnvaldssektir á hvern þann sem brýtur gegn eftirtöldum ákvæðum laga þessara og, eftir atvikum, reglum settum á grundvelli þeirra:

1. 6. gr. um upplýsingar sem eiga að koma fram í auglýsingum og öðru kynningarefni,
2. 7. gr. um upplýsingar sem veita skal áður en lánsamningur er gerður,

eða þeir sem ákvörðunin beinist gegn greiði dagsektir þar til farið verður að henni. Ákvörðun um dagsektir skal tilkynnt bréfluga á sannanlegan hátt þeim sem hún beinist að.

Ákvörðun um dagsektir má skjóta til áfrýjunarnefndar neytendamála innan fjórtán daga frá því að hún er kynnt þeim er hún beinist að. Dagsektir reiknast ekki fyrir en frestur er liðinn. Ef ákvörðun er skotið til áfrýjunarnefndar neytendamála falla dagsektir ekki á fyrir en niðurstaða hennar liggur fyrir.

27. gr.c.

Sátt

Hafi aðili gerst brotlegur við ákvæði laga þessara eða reglna settra á grundvelli þeirra er Neytendastofu heimilt að ljúka málinu með sátt með samþykki málsaðila. Sátt er bindandi fyrir málsaðila þegar hann hefur samþykkt og staðfest efni hennar með undirskrift sinni. Neytendastofa er heimilt að setja nánari reglur um framkvæmd ákvæðisins.

4. Á eftir 27. gr.c. frumvarpsins kemur nýr kafli, kafli X, **Bótaskylda og gildistaka**, með greinum 28.-30. gr., auk ákvæðis til bráðabirgða.